

CAft ta sigui recomenda pa no sobrepasa e cuota di debe maximo di 90% GDP

ORANJESTAD(AAN): Pa riba termino corto por subi riba e caminda cu ta conduci na finanzas publico sostenibel, e Colegio di supervision financiero Aruba (CAft) a duna tres recomendacion.

Esaki presidente Raymond Gradus a bisa durante di un conferencia di prensa Diabierna atardi.

Durante di su bishita CAft a constata cu a cumpli suficientemente cu e recomendacionnan aki. P

a aworaki, esaki ta duna CAft suficiente confianza. Gradus a indica cu mirando e situacion preocupante di e finanzas publico, CAft a bolbe mostra riba e nesidad pa yega mas pronto posibel na un cuadro legal di norma. Pa realiza mehoracion di finanzas publico den forma sostenibel y reduccion di e posicion di debe, ta necesario pa yega mas lihe posibel na un surplus riba e presupuesto.

Den espera di palabracionnan entre Aruba y Hulanda tocante di un cuadro legal di norma pa 2018-2021 na Juni, CAft a duna tres recomendacion a base di e presupuesto aproba. Na prome luga a recomenda pa laga e deficit presupuestario di 2018 ta mas abao cu e deficit presupuestario di 2017.

Den e ultimo simannan Aruba a entrega datonan cu ta indica cu e entradanan no procedente di impuesto pa un total di 17,5 miyon florin di Refineria di Aruba - (RdA) ta suficientemente realistico. Den 2018 ya a transferi un montante di 9,9 miyon florin. Banda di esey a recomenda pa e gastonan di personal calcula pa mas aña mester demonstra cu nan tin tendencia di ta bahando. Pa loke ta trata gastonan di personal, Aruba a presenta un plan di personal den cua ta aspira pa laga e gastonan di personal calcula pa mas aña baha nominalmente. Pa 2018 ta tuma medida cu ta reduci e gastonan di personal cu 12 miyon florin. Cu esaki ta cumpli tambe cu e recomendacion di CAft pa no permiti e gastonan di personal subi, den comparacion cu 2017. Si ta importante pa Parlamento



mas pronto posibel aproba e presupuesto supletorio cu ta relaciona cu esaki. Finalmente CAft a recomenda pa no sobrepasa e cuota di debe maximo di 90% di Producto Domestico Bruto (PDB/GDP). Aruba a haci e promesa cu den 2018 y 2019 e lo no haci mas fianza (di termino corto) cu ta necesario, loke ta haci posibel pa efectivamente e cota di debe keda bou di 90% di PDB.

CAft ya a conclui cu e compensacion di deficit di 2017 no por keda realiza den 2018

publico sostenibel, ta necesario pa yega na un cuadro legal di norma nobo. E combersacionnan cu Aruba y Hulanda ta sostene tocante di e topico aki ta andando, pero CAft a bolbe enfatisa pa yega na un cuadro di norma legal pa 2018-2021 y tambe pa mas pronto posibel realiza un surplus riba presupuesto, ya por cuminsa pone paso riba e caminda pa yega na finansa publico sostenibel.

Ademas di hiba combersacion tocante di e resultadonan

manera e Ordenansa di Aruba di supervision financiero temporal (LAft) ta prescribi y cu di e forma aki e norma di LAft di un surplus di 0,5% di PDB ta keda fuera di alcanse. Pa denter di un termino corto subi e caminda cu ta conduci na finansa

di e prome kwartaal, durante di e bishita aki a tuma despedida tambe di miembronan di Colegio Sybilla Dekker (miembro riba proposicion di Hulanda) y Robert Croes (miembro riba proposicion di Aruba). Tur dos e miembronan cu ta despedi, tabata envolvi for di inicio di CAft riba 1 di augustus 2015 y nan ta mira bek riba un cooperacion cu Aruba cu ta mehorando cada bes mas. Sybilla Dekker ta relata tocante di su periodo den CAft: "Kedando den combersacion cu otro, Aruba y CAft por a pone e pasonan necesario den desaroyo di supervision financiero na beneficio di finanzas publico sostenibel. Robert Croes ta confirma esaki y ta aña: "Tabata un honor pa riba proposicion di mi pais mi por a forma parti di e Colegio y semper mi a haci esaki semper a base di honor y consenshi".

Manera ta custumber durante di e bishitanan di e Colegio na Aruba, a hiba combersacion cu Gobernador, Minister di Finanzas, Consejo di Minister y e Comision Parlamentario di Finanzas, Asuntunan Economico y di Organizacion di Gobierno.


"Aanajagen van Economische groei door schuld op te bouwen werkt niet!"

Endy Croes mustrando cu CAft a knockout AVP formalmente

ORANJESTAD (AAN): Parlamentario Endy Croes a splica despues cu el a sali for di reunion cu CAft lo siguiente.

Diabierna mainta CAft a reuni cu Minister President, Minister di Finanzas y henter Consejo di ministranan al-

respecto ultimo desaroyonan entre Aruba, CAft y Hulanda. Realidad ta cu den un serie di correspondencia entre CAft y Gobierno dia 7 di Juni ultimo CAft a manda un carta CFT # 201800133 unda ainda CAft tabata tin preguntanan rond



dos topico.

Uno tabata riba un plan pa baha gastonan di personal desde 2018 en adelante pero tambe CAft no tabata conveni den un suma di 17.5 MIYON presupuesta di Refineria di Aruba. Ambos punto a keda bari for di mesa unda CAft a anuncia mesora despues di a reuni cu gobierno cu Aruba a cumpli (voldoet) na tur cos y pues ta CAft ta acepta y lo duna conseho positivo na Rijksministerraad alrespecto e presupuesto 2018 di pais Aruba.

AVP a destrui e pais aki:

Den e reunion cu Parlamento unda oposicion tambe tabata presente pa scucha nan veredicto, Raymond Gradus a splica algun tema hopi interesante pa una ves por todo keda comproba cu AVP a destrui e pais aki cu nan maneho financiero fuera di tur contexto. Raymond Gradus a splica cu berdad NO a logra e norma di 2017 cual mester tabata un deficit di 0.5% di acuerdo cu Ley di LAFT pero esaki a resulta di ta 2.6% mas e deficit di 0.5% a alcanza 3.1% cual ta igual na un deficit di 155 MIYON pa locual ta trata aña 2017. Esaki ta caba tur discusion cu e politiconan di Panlefi di AVP kendenan durante tratamiento di presupuesto ainda a keda manipula y engaña nan siguidor nan cu nan a logra e norma di 0.5% deficit di 2017. Banda di esaki Raymond Gradus di CAft a dal AVP un bofta den nan cara.

Teoria di Krugman desbarata:

Tanto Mike Eman y Mike De Meza recien den entrevista y

conferencia di prensa a splica cu AVP no a scoge pa medida pero a scoge e caminda pa engrandecere economia. Textualmente Raymond Gradus a splica "Aanajagen van Economische groei door schuld op te bouwen werkt niet voor een kleinschalig economie en dit is nu bewezen".

Cifranan di Banco Central a mostra claramente cu e crecimiento economico di pais Aruba 2015, 2016, 2017 a conoce un crecimiento negativo. Pues NO tabata tin crecimiento economico. Tur locual AVP y Mike Eman a gaba cune cu ta usando e teoria di Paul Robin Krugman pa pomp placa di gobierno aumentando e debe pa crece economia no a funciona at all.

Nos tin mil MIYON Florin di Bo Aruba pa bay paga awor. Parlamentario Endy Croes ta termina bisando e berdad a worde treci cla y raspa dilanti. Ban hunto crusa e brug aki aunke cu esaki lo causa poco dolor pero esaki ta e caminda pa garantisar un futuro briyante pa henter nos comunidad.